



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Plvs Petitionibvs. Titulus XI.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

dinarium, & interim, donec ea terminetur, principalis causa quiescit, Mynsi. obser. vlt. cent. 1.

Multifariam autem incidere quæstio dicitur. Primò incidit ciuili ciuili: vt si petenti hereditatem patris, opponitur, quòd sit spurius, c. lator, extr. qui filij sint leg. 2. Ciuilis incidit criminali: vt, si, accusatus de plagio, dicat, se dominum, l. pteses, C. de plag. Vel, si agenti de adulterio, obijcitur quæstio statûs, l. quoniã, C. de adult. 3. Criminalis incidit ciuili: vt, si agenti per aliquod instrumentum obijciatur quæstio falsi, l. damus, C. ad l. Cor. de fals. 4. Criminalis incidit criminali, cum agenti de adulterio opponitur de lenocinio, l. 2. ff. ad l. Iul. de adult. Dicitur etiam incidens quæstio, emendatio, & mutatio libelli, quæ fieri potest ex eadem instantia, quando libellus peccat in materia: secus si in forma. Quia omninò debet esse nouus libellus, forma substantiali mutata, l. si accusaturus, ff. de adult. Dicitur etiam incidens quæstio, replicatio, quæ potest cumulari cum petitione, si Actor velit: vt peto decem ex mutuo, non obstante pacto, De non petendo, quod postea fecisti. Dicitur etiam incidens quæstio, reconuentio, præsertim si cõtingat principalem petitionem, l. si idem, ff. de iurisdic. omnium iudicum.

DE PLVS PETITIONIBVS.

Titulus XI.

Continuatio.

Solet iudex Actoris plus petentis fraudem post determinationem incidentium quæstionũ pœnis legitimis, quandoq; coërcere.

V 4

Quis

Quis dicitur plus petere?

Plus petere dicitur, qui plus debito, vel, ita quidem, ut commoditas & optio præstationis creditori auferatur, lite contestata, petit.

Quot modis plus petitur?

Quatuor modis, causa, tempore, re & loco. Causâ plus petitur: ut, si in generali vel alternativa obligatione, præcisè petatur species, c. vnico, extr. eod. Tempore, si priùs, quàm solutionis dies extiterit, petatur. Re: ut si maior summa, vel quantitas, quàm debeatur. Loco quoque plus petitur: ut, si non ubi conuenit soluere, sed alibi petatur, d. c. vnico.

Qua causa Efficiens?

Dolus, vel opinatio Actoris, vel etiam Rei Actorem, ante litis contestationem, reconuenientis. Nam in causa reconuentionis Actoris vicem subit.

Quod Obiectum?

Ipsium debitum, siue actione reali, siue personali debeatur, l. hæc adiectio, ff. de verb. signif. & Socin. c. vnico, extr. eod.

Qua Forma?

Quòd plus petatur vel causâ, vel re, vel tempore, vel loco: & in ea petitione, usque post litis contestationem perseueretur. Quia, ante litis contestationem, non petere, sed petere voluisse, dicitur Actor, l. quamuis, ff. de in ius vocando.

Quis Effectus?

Quòd si quis plus petierit causâ, iudicium non procedit, sed condemnabitur Actor ad omnes expen-

expensas in triplum, & omne damnum, quod per tulit Reus occasione institutæ actionis, §. sed hoc quidem, inst. de actionib. Si quis autem plus petere, condemnabitur Actor in triplum, eius, quod Reus expendit, §. tripli. inst. de act. Si loco plus petat, cum locus actionem arbitrariam efficiat, tenetur actor in illa actione quanti Rei interest, potius conuento loco, quam vbi actio instituta est, soluisse, l. i. ff. quod certo loco, c. vnico extr. eod. Nihilominus tamen vltra præstationem interesse in triplum eius, quod Reus nomine sportularum impendit, in triplum condemnabitur Actor, §. hoc quidem, inst. de actionibus. Si verò tempore plus petitum sit, duplicantur induciæ, quibus finitis, Reus, nisi omnibus ab Actore expensis præstitis, litem suscipere non tenetur, d. c. vnico, extr. eod. §. in triplum, inst. de actioibus.

Qua Adiacentia?

Restitutio sportularum, perpeffum damnum, interesse, expensæ, c. vni. extr. eod. c. examinata, de iud.

Qua Affinia?

Præpostera petitio, defectus desideratæ formæ in libellis, petitio rei, quæ neque ciuilitè, vel naturaliter debetur, Felin. c. 2. extr. de rescrip.

Qua Pugnancia?

Intermissio litis, antequam contestetur, compositio partium, iuramentum, à parte Actoris præstitum, reiectio libelli inepti per officium iudicis, & c. Iason in l. 3. num 18. C. de eden. Bart. 1. prætor, ff. de iurei.

A X I O M A T A.

Si Actor ante litis contestationem à pluris petitione desistat, pœnam legis effugit, Host. hîc.

Si quis per fraudē induxit aliquem, vt cùm deberetur x. tantum, X X, se debere in instrumento cauerit, postea illa X X, vi instrumenti lite cōtestata petierit, à toto debito, saluis transactionibus, & secundis cautionibus & confessionibus super hoc habitis, cadit, l. ymca, C. eod. c. l. si mulier, C. ad Velleia.

DE CAUSA POSSESSIONIS
& Proprietatis.

Titulus XII.

Continuatio.

Contingit, causam proprietatis & possessionis, ab eodem, vel diuersis, vno tempore, in iudicium deduci. Cùm autem altera alterius definitioni impedimento sit, in hac contingentiã vtra in cognitione præferatur? scire conuenit,

Quid est causa Possessionis & Proprietatis?

Est lis, inter duos, vel plures, separatim, de proprietate & possessione contendentes, iudicio inclusa. Siquidem licet in constitutione dominiũ vnum sint; sicuti omnia humani corporis membra, quo ad constitutionem integri corporis, vnum intelliguntur, quæ aliàs, quo ad officia, & sicuti

quælibet